



12. november 2024

UKA2024/ 79

**Imigassamut katsorsaasutut aalajangersimasumik ilinniagaqarsimanissamik inatsisitigut piunasaqaataasut saniatigut allatut ilusilimmik katsorsaasutut ilinniagallit pisortanit, imigassamut pinngitsuuisinnaajunnaarnermik katsorsaarnermi tapiliussatut, atorluarneqarnerulernissaannik periarfissiuunneqarnissaat anguniarlugu, Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Doris Jakobsen Jensen, Siumut).

Siumumit Doris J. Jensenip Siumumeersup aalajangiiffigisassatut siunnersuutaa ima oqaaseqarfigissavarput.

Imigassamik katsorsaasarnerup allannguiffigineqarnissaa pisariaqartoq siunnersuuteqartup tunngaviusumik oqariartuutigaa, aamma katsorsaasarneq nunatsinni aqqissuussamik aallartinneqarmat siunertaasimanngisaannartoq katsorsaariaaseq aalajangersimasooq taamaallaat ingerlanneqassasoq. Siunnersuuteqartup katsorsaariaatsit assigiinngitsut ilanngullugit eqqaallatsiarpai. Nunatsinni katsorsaasunik ataasiinnaanngitsunik ilinniarsimasunik peqarpugut, taakkulu ilanngullutik ikiuutilernissaanik periarfissinneqarnissaat Siumup kissaatigaa.

Tassami sumilluunniit ajornartorsiuteqarpugut minnerusumik annerusumilluunniit. Tamaakkaluartoq, atornerluinermi sunaluunniit ingasaakkaanni, taava atornerluininngortarmat, tamaattumik katsorsaariaatsip assigiinngissutai atorluarneqarnissai Siumup pingaartippaa katsorsaarnermi periutsit pitsaassutillu atorluaneqarnissaat tamakkiisumik Siumup taperserpai.

Pissutigalugu:

- [Anonyme Narkomaner](#) -
- [Minnesotamodellen](#)
- [ACA](#)
- [Anonyme Sex- og Kærlighedsafhængige](#)
- [Anonyme Overspisere](#)
- [Anonyme Gamblere](#)
- [Al-Anon](#)

Nunarsuarmi takussutissalimmik assigiinngitsumik atornerluinermik takussutissalimmik katsorsaariaaseqarmat, tamannalu uani Minnesota Model assut pingaartutut Siumup taperserpaa.

Nunatsinni inuit amerlasuut tarnikkut artorsaatigisartik naluneq ajorpaat aamma ilaatigut ingerlariaqqinnissaminnik kissaateqartaraluarlutik, takutikkusuttanngilaat qanoq inuuneq ilorleq



innersoq. Aammami isertuutissallugu pisariaqartutut ittarpoq, arlaannik atornerluinermik ulluinnarni peqaraanni. Kisialli tarnikkut artorsaatit tassaasarlutik assingusumik, takussutissaqanngitsumik tassa sianiutikkut misigisimasanit anniaatit takutinnaversaarlugit qaavatigut allamik takussutissaqartalermata, soorlu ilaatigut; -nererujussuarterneq, - aningaasamoorujussuarneq, -sulerujussuarneq, allarpassuillu.

Taamaammat Siumut anguniakkaminik ilanngussaani ima allaqasoqarpoq:

Imerajuttunik, ikiaroorajuttunik aningaasanoorajuttunillu pinngitsuuisinnaanermik katsorsaanerit tamarmik peqqinnissaqarfiup iluaniilersineqassapput. Katsorsaasut peqqinnissaqarfimmi atorfeqartuussapput, innuttaasullu peqqissarnissamik pisariaqartitsisut akeqanngitsumik katsorsartissinnaalernissaat isumagineqassalluni. Ilutigisaanik katsorsaariaatsit tulluartaunersut nalilersoqqinneqartassapput, periutsit allat aamma periarfissiissutiginnissaat ammaffigalugu, soorlu Minnesota.

Taamaasilluta siunnersuuteqartoq Doris J. Jensen, Siumup isumaqatigaa – inuttut assigiinngitsuunerput tunngavigalugu ikiuineq ingerlanneqassasoq. Katsorsaasinnaasut tamarmik pisariaqartippavut, aamma inuit suleqatigiillutik aniguniartut tamarmik periarfissaqarlutillu ikorfartorneqarnissaat pisariaqarpoq.

Siunnersuuteqartoq sulinitta annertusineqarnissaanik allanngorernerunissaanillu kissaateqarluni aalajangiiffigisassatut siunnersuummik qaqitsinera annertuumik Siumup taperserpaa, aamma Ilaqutariinnermut Peqqissutsimullu Ataatsimiititaliamut ingerlateqqinneqarnissaa kissaatigaarput.

Dines Mikaelson  
Siumut